

**«Հայաստանի Հանրապետության կառավարության
2023 թվականի հունվարի 12-ի N 37-Ն որոշման մեջ
լրացումներ և փոփոխություն կատարելու մասին»
Հայաստանի Հանրապետության կառավարության
որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

2024 թվականի _____ N__-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2023 ԹՎԱԿԱՆԻ ՀՈՒՆՎԱՐԻ
12-Ի N 37-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆ ԿԱՏԱՐԵԼՈՒ
ՄԱՍԻՆ

«Մաքսային կարգավորման մասին» օրենքի 338-րդ հոդվածի 6-րդ մասին,
«Եվրասիական տնտեսական միությունում ապրանքների փոխադրման
հետազոտության նպատակով տեղորոշման կապարակնիքների
օգտագործման մասին» համաձայնագրի 15-րդ հոդվածի 2-րդ պարբերությանը,
16-րդ հոդվածի 1-ին կետի 1-ին պարբերությանը և լրորմատիվ իրավական
ակտերի մասին՝ օրենքի 33-րդ, 34-րդ հոդվածներին համապատասխան՝
Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2023 թվականի
հունվարի 12-ի «Եվրասիական տնտեսական միությունում տեղորոշման
կապարակնիքների օգտագործմամբ ապրանքների փոխադրման
հետազոտությունն ապահովող ազգային օպերատորին ներկայացվող
հիմնական պահանջները, ազգային օպերատորի ընտրության
ընթացակարգը, ազգային օպերատորի գործունեության դադարեցման
կարգը հաստատելու և վերահսկող մարմին սահմանելու մասին» N 37-Ն
որոշման (այսուհետ՝ Որոշում) մեջ կատարել հետևյալ փոփոխությունը և
լրացումները՝

1) Որոշման վերնագրում «ՀԻՄՆԱԿԱՆ ՊԱՀԱՆՋՆԵՐԸ,» բառերից հետո լրացնել
«ԱԶԳԱՅԻՆ ՕՊԵՐԱՏՈՐԻ ԿՈՂՄԻՑ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԳՆԵՐԸ
(ՍԱԿԱԳՆԵՐԸ),» բառերը.

2) Որոշման 1-ին կետի 1-ին ենթակետում «հիմնական պահանջները» բառերը
փոխարինել «հիմնական պահանջները և ազգային օպերատորի կողմից
մատուցվող ծառայությունների գները (սակագները)» բառերով.

3) Որոշմամբ հաստատված N 1 հավելվածի վերնագրում «ՀԻՄՆԱԿԱՆ ՊԱՀԱՆՁՆԵՐԸ» բառերից հետո լրացնել «ԵՎ ԱԶԳԱՅԻՆ ՕՊԵՐԱՏՈՐԻ ԿՈՂՄԻՑ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԳՆԵՐԸ (ՍԱԿԱԳՆԵՐԸ)» բառերը:

4) Որոշմամբ հաստատված N 1 հավելվածը լրացնել նոր 4-րդ և 5-րդ կետերով՝ հետևյալ բովանդակությամբ՝

«4. Ազգային օպերատորի կողմից հետազոտման օբյեկտը տեղորոշման կապարակնիքներով ապահովման համար պատասխանատու անձին տրամադրվող տեղեկությունների կազմը, տեղեկությունների տրամադրման կարգը, տեղեկությունները չտրամադրելու համար պատասխանատվությունը սահմանվում են նրանց միջև կնքվող պայմանագրով:

5. Եվրասիական տնտեսական միության անդամ պետությունների տարածքներով փոխադրումների հետազոտման նպատակով ազգային օպերատորը մատուցում է ծառայություններ հետևյալ գներով (սակագներով)՝

1) հետազոտման օբյեկտի փոխադրման սկիզբ և դրա հետագծում - 56000 ՀՀ դրամ.

2) Եվրասիական տնտեսական միության անդամ պետության տարածքով հետազոտման օբյեկտի փոխադրմանը հետևում - 28000 ՀՀ դրամ.

3) հետազոտման օբյեկտի փոխադրման հետազոտման ավարտ - 36000 ՀՀ դրամ.

4) տեղեկատվության տրամադրում - գինը՝ համաձայն կողմերի միջև կնքված պայմանագրի:»:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎԱՐՉԱՊԵՏ

Ն. ՓԱՇԻՆՅԱՆ